

**"Мемлекеттік сатып алу саласында тізілімдерді қалыптастырудың және жүргізудің қағидаларын бекіту туралы" Қазақстан Республикасы Қаржы министрінің 2015 жылғы 28 желтоқсандағы № 694 бұйрығына өзгерістер мен толықтыру енгізу туралы**

*Күшін жойған*

Қазақстан Республикасы Премьер-Министрінің орынбасары - Қаржы министрінің 2022 жылғы 20 маусымдағы № 601 бұйрығы. Қазақстан Республикасының Әділет министрлігінде 2022 жылғы 23 маусымда № 28579 болып тіркелді. Күші жойылды - Қазақстан Республикасы Қаржы министрінің 2024 жылғы 26 қыркүйектегі № 646 бұйрығымен.

**Ескерту. Бұйрықтың күші жойылды – ҚР Қаржы министрінің 26.09.2024 № 646 (01.01.2025 бастап қолданысқа енгізіледі) бұйрығымен.**

**БҰЙЫРАМЫН:**

1. "Мемлекеттік сатып алу саласында тізілімдерді қалыптастырудың және жүргізудің қағидаларын бекіту туралы" Қазақстан Республикасы Қаржы министрінің 2015 жылғы 28 желтоқсандағы № 694 бұйрығына (Нормативтік құқықтық актілерін мемлекеттік тіркеу тізілімінде № 12618 болып тіркелген) мынадай өзгерістер мен толықтыру енгізілсін:

кіріспесі мынадай редакцияда жазылсын:

"Мемлекеттік сатып алу туралы" Қазақстан Республикасы Заңының 16-бабы 9) тармақшасына сәйкес **БҰЙЫРАМЫН:**";

көрсетілген бұйрықпен бекітілген Мемлекеттік сатып алу саласында тізілімдерді қалыптастырудың және жүргізудің қағидаларында (бұдан әрі – Қағидалар):

16 және 17-тармақтар мынадай редакцияда жазылсын:

"16. Осы Қағидалардың 15-тармағының 1) және 3) тармақшаларында көзделген мемлекеттік сатып алуға жосықсыз қатысушылардың тізілімі заңды күшіне енген сот шешімдерінің негізінде қалыптастырылады.

Осы Қағидалардың 15-тармағының 1) тармақшасында көрсетілген шартта, мемлекеттік сатып алуды ұйымдастырушы, мемлекеттік сатып алуды бірыңғай ұйымдастырушы, тапсырыс беруші не уәкілетті орган әлеуетті өнім берушінің немесе өнім берушінің Қазақстан Республикасының Мемлекеттік сатып алу туралы заңнамасын бұзу фактісі туралы өздеріне белгілі болған күннен бастап

күнтізбелік 30 (отыз) күннен кешіктірмей, осындай әлеуетті өнім берушіні немесе өнім берушіні мемлекеттік сатып алуға жосықсыз қатысушы деп тану туралы талап-арызбен сотқа жүгінуге жібереді.

Осы Қағидалардың 15-тармағының 3) тармақшасында көрсетілген шартта, жиынтығында мынадай шарттарды қанағаттандыратын:

1) өнім берушінің тұрақсыздық айыбын (айыппұл, өсімпұл) төлеуі;

2) шарттық міндеттемелерді толық орындау;

3) тапсырыс берушіге келтірілген залалдың болмауы жағдайларын қоспағанда, тапсырыс беруші Қазақстан Республикасының мемлекеттік сатып алу туралы заңнамасын өнім берушінің бұзу фактісі туралы өзіне белгілі болған күннен бастап 30 (отыз) күнтізбелік күннен кешіктірмей, осындай өнім берушіні мемлекеттік сатып алуға жосықсыз қатысушы деп тану туралы талап-арызбен сотқа жүгінуге құқылы.

17. Осы Қағидалардың 15-тармағының 2) тармақшасында көзделген мемлекеттік сатып алуға жосықсыз қатысушылардың тізілімі уәкілетті органның әлеуетті өнім берушілерді мемлекеттік сатып алуға жосықсыз қатысушылар деп тану туралы шешімі негізінде қалыптастырылады.";

21-тармақ мынадай редакцияда жазылсын:

"21. Уәкілетті органға мемлекеттік сатып алуға жосықсыз қатысушылар тізіліміне енгізу үшін толық емес және (немесе) дәйексіз (дұрыс емес) мәліметтер ұсыну шартында, уәкілетті орган веб-портал арқылы тапсырыс берушіге осы Қағидалардың 27-тармағына сәйкес мемлекеттік сатып алуға жосықсыз қатысушы туралы мәліметтерді 5 (бес) жұмыс күн ішінде қайта беру қажеттігі туралы хабарламаны 7 (жеті) жұмыс күні ішінде жібереді.";

31-тармақ мынадай редакцияда жазылсын:

"31. Тапсырыс берушінің әлеуетті өнім берушіні веб-портал арқылы мемлекеттік сатып алуға жосықсыз қатысушылардың тізілімінен шығару туралы келісу комиссиясының шешімін ұсынуы шартында, уәкілетті орган 3 (үш) жұмыс күні ішінде осы Қағидаларға 6-қосымшаға сәйкес нысан бойынша осы өнім берушіні мемлекеттік сатып алуға жосықсыз қатысушылардың тізілімінен шығару туралы шешім шығарады.

Бұл ретте, уәкілетті органның әлеуетті өнім берушіні мемлекеттік сатып алуға жосықсыз қатысушылардың тізілімінен шығару туралы шешімі веб-портал арқылы автоматты режимде шығарылады.";

Қағидаларға 5-қосымша осы бұйрыққа 1-қосымшаға сәйкес жаңа редакцияда жазылсын;

осы бұйрыққа 2-қосымшаға сәйкес Қағидаларға 6-қосымшамен толықтырылсын.

2. Қазақстан Республикасы Қаржы министрлігінің Мемлекеттік сатып алу және квазимемлекеттік сектордың сатып алуы заңнамасы департаменті Қазақстан Республикасының заңнамасында белгіленген тәртіппен:

1) осы бұйрықтың Қазақстан Республикасы Әділет министрлігінде мемлекеттік тіркелуін;

2) осы бұйрықтың Қазақстан Республикасы Қаржы министрлігінің интернет-ресурсында орналастырылуын;

3) осы бұйрық Қазақстан Республикасы Әділет министрлігінде мемлекеттік тіркеуден өткеннен кейін он жұмыс күні ішінде осы тармақтың 1) және 2) тармақшаларында көзделген іс-шаралардың орындалуы туралы мәліметтердің Қазақстан Республикасы Қаржы министрлігінің Заң қызметі департаментіне ұсынылуын қамтамасыз етсін.

3. Осы бұйрық алғаш ресми жарияланған күннен кейін он күнтізбелік күн өткен соң қолданысқа енгізіледі.

*Қазақстан Республикасы  
Премьер-Министрінің орынбасары -  
Қаржы министрі*

*Е. Жамаубаев*

Қазақстан Республикасы  
Премьер-Министрінің  
орынбасары -  
Қаржы министрінің  
2022 жылғы 20 маусымдағы  
№ 601 Бұйрығына  
1-қосымша  
Мемлекеттік сатып алу  
саласында тізілімдерді  
қалыптастырудың және оларды  
жүргізудің қағидаларына  
5-қосымша

## **НЫСАН**

### **Уәкілетті органның жалпы бланкісі**

Қазақстан Республикасының Мемлекеттік елтаңбасы

Уәкілетті органның  
ресми атауы  
қазақ тілінде

Уәкілетті органның  
ресми атауы  
орыс тілінде

### **БҰЙРЫҚ**

\_\_\_\_\_ (күні)

Қазақ тілінде шығарылған жері

### **ПРИКАЗ**

№ \_\_\_\_\_

Орыс тілінде шығарылған жері

## **Мемлекеттік сатып алуға жосықсыз қатысушылардың тізіліміне енгізу туралы**

"Мемлекеттік сатып алу туралы" Қазақстан Республикасы Заңының (бұдан әрі – Заң) 12 және 44-баптарына сәйкес мемлекеттік сатып алудың қорытындылары бойынша:

Сатып алу туралы хабарландыру нөмірі:

Сатып алу тәсілі:

Тапсырыс беруші қол қойған мемлекеттік сатып алу туралы шартты әлеуетті өнім берушіге қол қоюға жіберген күні: күні/айы/жылы

Мемлекеттік сатып алу туралы шарт жобасына қол қою қажеттілігі туралы хабарлама жіберілген күн: күні/айы/жылы

Заңда белгіленген өнім берушінің мемлекеттік сатып алу туралы шартқа қол қоюы үшін мерзімнің аяқталатын күні: күні/айы/жылы

Не:

Шартты жасасу күні: күні/айы/жылы

Әлеуетті өнім берушінің мемлекеттік сатып алу туралы шарттың орындалуын қамтамасыз етуді не Заңның 26-бабында көрсетілген соманы енгізу мерзімінің аяқталатын күні: күні/айы/жылы

Тапсырыс беруші:

Атауы:

БСН:

Мекенжайы:

Телефоны:

**БҰЙЫРАМЫН:**

1. Заңның 44-бабының 1-тармағына сәйкес:

Заңда белгіленген мерзімде \_\_\_\_\_ тәсілмен өткізілген № \_\_\_\_ сатып алу бойынша № \_\_\_\_\_ мемлекеттік сатып алу туралы шартқа қол қоймауына/ не:

мемлекеттік сатып алу туралы шарттың орындалуын қамтамасыз етуді немесе \_\_\_\_\_ тәсілмен өткізілген күні/айы/жылғы \_\_\_\_\_ лот бойынша Заңның 26-бабында көрсетілген соманы енгізбеуге байланысты \_\_\_\_\_ мемлекеттік сатып алу туралы шарт жасаудан жалтарды деп танылсын.

2. Заңның 12-бабының 4-тармағы 2) тармақшасына, 5-тармағының екінші бөлігіне сәйкес мемлекеттік сатып алудың жосықсыз қатысушысы деп танылсын.

3. Мемлекеттік сатып алудың жосықсыз қатысушылары тізіліміне әлеуетті өнім беруші туралы мынадай мәліметтер енгізілсін:

Атауы/Т.А.Ә. (болған жағдайда):	
БСН/ЖСН, бейрезидент өнім берушілер үшін тіркеу деректері:	
Басшының Т.А.Ә. (болған жағдайда):	
Басшының ЖСН, бейрезидент өнім берушілер үшін басшының тіркеу деректері:	
Құрылтайшының (құрылтайшылардың) атауы/Т.А.Ә. (болған жағдайда):	

Құрылтайшының (құрылтайшылардың) БСН/ЖСН-і

, бейрезидент өнім берушілер үшін құрылтайшылардың тіркеу деректері:	
Мекенжайы:	
Телефоны:	

4. Тізілімде болу мерзімі бұйрық бекітілген күннен бастап 24 ай болып белгіленсін.

5. Бұйрық қол қойылған күнінен бастап күшіне енеді.

Уәкілетті адам Т.А.Ә. (болған жағдайда) (электрондық цифрлық қолтаңба)

Аббревиатуралардың толық жазылуы:

БСН - бизнес-сәйкестендіру нөмірі;

ЖСН - жеке сәйкестендіру нөмірі;

Т.А.Ә. - тегі, аты, әкесінің аты (болған жағдайда).

Қазақстан Республикасы  
Премьер-Министрінің  
орынбасары -  
Қаржы министрінің  
2022 жылғы 20 маусымдағы  
№ 601 Бұйрығына  
2-қосымша  
Мемлекеттік сатып алу  
саласында тізілімдерді  
қалыптастырудың және оларды  
жүргізудің қағидаларына  
6-қосымша

#### НЫСАН

##### Уәкілетті органның жалпы бланкісі

Қазақстан Республикасының Мемлекеттік елтаңбасы

Уәкілетті органның  
ресми атауы  
қазақ тілінде

Уәкілетті органның  
ресми атауы  
орыс тілінде

##### БҰЙРЫҚ

\_\_\_\_\_ (күні)

Қазақ тілінде шығарылған жері

##### ПРИКАЗ

№ \_\_\_\_\_

Орыс тілінде шығарылған жері

#### Мемлекеттік сатып алуға жосықсыз қатысушылардың тізілімінен алып тастау туралы

"Мемлекеттік сатып алу туралы" Қазақстан Республикасы Заңының (бұдан әрі - Заң) 12-бабы 9-тармағының 3) тармақшасына сәйкес, "Әлеуетті өнім берушіні мемлекеттік сатып алуға жосықсыз қатысушылар тізілімінен алып тастау туралы" \_\_\_\_\_ № \_\_\_\_\_ өтінішті келісу комиссиясының қарау қорытындысы бойынша **БҰЙЫРАМЫН:**

1. "Мемлекеттік сатып алуға жосықсыз қатысушылардың тізіліміне енгізу туралы" \_\_\_\_\_ жылғы "\_\_\_" \_\_\_\_\_ № \_\_\_\_\_ "Уәкілетті органның атауы" бұйрығының күші жойылсын.

2. Заңның 12-бабы 6-тармағының төртінші бөлігіне сәйкес әлеуетті өнім беруші мемлекеттік сатып алуға жосықсыз қатысушылардың тізілімінен алып тасталсын:

Атауы/Т.А.Ә. (болған жағдайда):	
БСН/ЖСН, бейрезидент өнім берушілер үшін тіркеу деректері:	
Басшының Т.А.Ә. (болған жағдайда):	
Басшының ЖСН, бейрезидент өнім берушілер үшін басшының тіркеу деректері:	
Құрылтайшының (құрылтайшылардың) атауы/Т.А.Ә. (болған жағдайда):	
Құрылтайшының (құрылтайшылардың) БСН/ЖСН-і, бейрезидент өнім берушілер үшін құрылтайшылардың тіркеу деректері:	
Мекенжайы:	
Телефоны:	

3. Бұйрық қол қойылған күнінен бастап күшіне енеді.

Уәкілетті адам Т.А.Ә. (болған жағдайда) (электрондық цифрлық қолтаңба)

Аббревиатуралардың толық жазылуы:

БСН - бизнес-сәйкестендіру нөмірі;

ЖСН - жеке сәйкестендіру нөмірі;

Т.А.Ә. - тегі, аты, әкесінің аты (болған жағдайда).